

Վ. Ս. ԴԻԼՅԱՆ

ՀԱՅ ԳՈՐԾԻՉՆԵՐԻ ՎԵՐԱԲԵՐՄՈՒՆՔԸ ԴԵՊԻ 1812 ԹՎԱԿԱՆԻ ՀԱՅՐԵՆԱԿԱՆ ՊԱՏԵՐԱԶՄԸ

150 երկար տարիներ են մեզ բաժանում այն ժամանակաշրջանից, երբ 1812 թվականի Հայրենական պատերազմը բունկեց անձայրածիր Ռուսաստանում, երբ ռուս ժողովուրդը ոտքի եկավ իր երկիրը ներխուժած նապոլեոնյան «որդանների դեմ» հանուն հայրենիքի ազատության ու անկախության: 150 տարի արանից առաջ սկսվեց ռուս ժողովրդի հերոսական ու անձնվեր գոտեմարտը նապոլեոն Բոնապարտի բազմաթանակ զորքերի հետ, որոնք եկել էին նվաճելու Ռուսաստանը, դարձնելու այն Ֆրանսիայի արբանյակը: Լինելով ֆրանսիական խոշոր բուրժուազիայի սեակցիոն մասի շահերի արտահայտիչը և վերջինիս կողմից օժտված անսահմանափակ լիազորություններով, նապոլեոնը ճշգրտում էր ծնկի բերել Ռուսաստանը՝ հարթելու համար դեպի համաշխարհային տիրապետություն տանող ցնորամիտ ուղին: Բայց ռուս ժողովրդի անսահման հայրենասիրությունը, նրա հերոսական ու գոռ ուղին ընդմիշտ հօդա ցնդեցրին նապոլեոնյան խաբիսույ երազանքները:

1812 թվականի Հայրենական պատերազմը մի բոցավառ էջ կրեց Սովետական Միության ժողովուրդների դարավոր պատմության հերոսական պայքարի զրվալներով լեցուն մատյանում: Այն եկավ մեկընդմիշտ ապացուցելու, որ իսկապես ժողովուրդն է հանդիսանում պատմության կերտողը, պատմական դարպասման զլխավոր շարժիչ ուժը: Այն եկավ մեկընդմիշտ ապացուցելու, որ անպարտելի է ամեն մի ժողովուրդ, որ մանկան քնքշությամբ ու անմիջականությամբ սիրում է իրեն ծնունդ տվող հայրենիքը և ոտքի է եկնում պաշտպանելու այն թշնամու ոտնձգություններից:

1812 թվականի Հայրենական պատերազմը սանձազերծեց ռուս ժողովրդի մինչև այդ նիրհող ուժերը, ռևոլյուցիոն ոգով տոգորեց ռուսական հասարակության առաջադիմական տարրերին: Կարելի է ասել, որ ղեկարրիստների շարժումը ծնունդն էր 1812 թվականի Հայրենական պատերազմի: Վերջինիս բովումն էր, որ ղեկարրիստներից շատերը մոտիկից ծանոթացան իրենց ժողովրդին, տեսան այն անձնագոհության, հաստատակամության ու հերոսության ուղին, որով օժտված էին ռուս ժողովրդական զանգվածները: Հայրենական պատերազմի բովում էր, որ ղեկարրիստներն իրենց շտաբին քաղաքական մկերությունն ստացան:

1812 թվականի Հայրենական պատերազմին իրենց պործուն մասնակցությունը բերին ռուսական կաշարության բազմաթիվ ժողովուրդներ, որոնց թվում էան հայ ժողովուրդը: Ռուսական բանակի շարքերում, եզրայրակից ռուս ժողովրդի զավակների հետ կողք-կողքի նապոլեոնյան զորքերի դեմ մարտնչում էին շատ հայ զենեարայներ ու սպաներ՝ Վ. Մաղաթովը, Գ. Դեյյանովը, Գ. Աբամելիքը, Ի. Աբամելիքը, Պ. Մելիքովը, Հ. Հաղարյանը, Վ. Բեհրութովը, Ի. Ախաշարումովը և ուրիշներ, թերևս և ռազմիկներ: Նրանք անձնվիրաբար կովում էրն

ընդհանուր թշնամու դեմ, հանուն «Հայրենեացն Ռուսաստանեայց»։ Նրանցից շատերն իրենց պատկեցին հերոսության դավինպատակով, ոմանք էլ ընկան պատերազմի արյունոտ դաշտում (Հ. Լազարյան, ռուսիստ Իեկյանով և այլն)։ Հայերի զործունյա մասնակցությունը 1812 թվականի Հայրենական պատերազմին պատահական երևույթ չէր։ Այն ուներ իր պատճառները և շարժառիթները։

*

Հնագույն ժամանակներից սկսած Ռուսաստանում գոյություն ունեին հայկական գաղթավայրեր։ 18-րդ դարում հայկական այդ գաղութների թիվը բազմապատկվեց։ Պարսկա-թուրքական զլխեմ բռնություններից փրկվածների և իր որոնող մեծաթիվ հայ ժողովրդական զանգվածները ապաստան էին փնտրում Ռուսաստանում։ 19-րդ դարի սկզբին, երբ սկսվեց 1812 թվականի Հայրենական պատերազմը, Ռուսաստանում հայկական խոշոր գաղութներ գոյություն ունեին Մոսկվայում, Պետերբուրգում, Նոր-Նախիջևանում, Աստրախանում, Ղզլարում, Մոզդուկում, Գրիգորիոպոլում և այլուր։ Ոգտվելով ռուսական կառավարության կողմից արված որոշ առանձնաշնորհումներից, որոնք նպատակ էին հետապնդում վարկ տալու երկրի հետագա տնտեսական զարգացմանը, ունեին Մոսկվայում, Պետերբուրգում, Նոր-Նախիջևանում, Աստրախանում, ունեին զարգացնելու առևտուրն ու արդյունադրությունը։ Ենական է, որ հայկական վերահիշյալ գաղթավայրերի տնտեսական ու քաղաքական վիճակը բավական սերտ աղերս ունենար ռուսական կառավարության վարած քաղաքականությունին հետ, որ հայերը շահագրգռություն հանդես բերեին որոշ քաղաքական ու տնտեսական հարցերում, որոնք այս կամ այն չափով շոշափում էին նրանց անմիջական շահերը։ Մատենադարանի կաթողիկոսական դիվանում, օրինակ՝ պահպանվել է Տիլզիտի պայմանագրի ժամանակի հայերեն թարգմանության պատճենը, ընդ որում հիշյալ թարգմանությունը կատարված է ինչպես գրաբարով, այնպես էլ Նոր-Նախիջևանի բարբառով։ Վերահիշյալ օրինակը զայիս է մեզ ասելու, ինչպես մենք ենք կարծում, որ Տիլզիտի պայմանագրի կնքումը, որով Ռուսաստանը միանում էր կոնտինենտալ բյուրոկրատիային, որոշ իմաստով հարվածում էր նաև հայկական գաղթավայրերի և այդ գաղթավայրում հրամանատարական բարձունքները զբաղված հայ վաճառականների շահերին։ Առևտրական լայն զործառնություններով կապված լինելով Արևելքի ու Արևմուտքի հետ, կատարելով մեծաքանակ միջանցիկ առևտուր, հայ վաճառականները չէին կարող, անշուշտ, անտարբերությամբ դիտել իրենց զործունեության զաշտի նեղացումը։ Այս, իհարկե, մի հարց է, որ կարող է հատուկ ուսումնասիրության, բայց և այնպես կարելի է հավանական համարել նրա համարադրությունը։ Այսուհետև անհրաժեշտ է նաև ի նկատի ունենալ մի այլ կարևոր մոմենտ։ Դրանի վերաբերանում կառուցված Նոր-Նախիջևան քաղաքը, որ 19-րդ դարի սկզբում տնտեսական բավական խոշոր դեր էր խաղում Ռուսաստանի հարավում, աշխույժ առևտուր էր կատարում Օսմանյան կայսրության հետ։ Ռուսական երկաթի մի մասը Նոր-Նախիջևանի վրայով արտահանվում էր դեպի Բուրքիա։ 1806—1812 թվականների ռուս-թուրքական պատերազմը, որի հրահրման զործում փոքր դեր չէին խաղացել նապոլեոնյան զործակալները, այդ առևտրական կապերին խոշոր հարված էր հասցնում, բավական ծանր զրույթյան մատնելով հայ վաճառականներին։ Մյուս կողմից՝ Ռուսիայի հայ

վաճառականները, առանձնապես Մոլդավիայի և Վալախիայի հայ վաճառականությունը, ինչպես վկայում են Լենինգրադի Գնեստրոնական պետական պատմական արխիվի Արամելիք—Լադարյանների ֆոնդում պահպանված բազմաթիվ վավերագրեր¹, սերտ առևտրական կապեր ունեւ Ռուսաստանի հետ, և պատերազմը նրանց շահերին նույնպես խոշոր հարված էր հասցնում։ Ուստի պարմանալի չէ այն մեծ դերը, որ խաղաց Իսխարեստի հաշտության պայմանագրի կնքման գործում Մոլդավիայի խոշոր հայ վաճառականներից և հողատերերից Մանուկ բեյ Միրզայանը, իր մատուցած ծառայությունների համար պատանալով ռուսական ազնվականի տիտղոս և բազմաթիվ պարգևներ ռուսական էստաբլիսման կողմից։ Այստեղից էլ հետաքրքրությունը դեպի Տիլզիտի պայմանագիրը, և այդ պայմանագրի հայերեն թարգմանության առկայությունը։

Քայց Ռուսաստանը սոսկ մի երկրորդ հայրենիք չէր հանդիսանում այնտեղ բնակություն հաստատած հայերի համար։ Աներկրայելի է նաև, որ հայերը Ռուսաստանից բազաբական լուրջ բնույթ կրող մեծ ակնկալություններ ունեին։

18-րդ դարի սկզբին էր, որ Բսրայել Օրու խմբադրությամբ ծնունդ առավ Հայկական ազատագրական վաղեմի լեզենդի նոր, և այս անգամ վերջնական տարրերակր։ Այն հռչակում էր, որ Հայաստանը ցանկալի ազատագրությունը կգտնի միայն Ռուսաստանի օգնությամբ։ Դա պատմական կտրուկ շրջադարձ էր, որ ձևավորում էր հայերի վերջնական կողմնորոշումը։ Հայ ազատագրական շարժման 18-րդ դարի բոլոր փայլուն ներկայացուցիչները՝ Բսրայել Օրին, Հովսեփ էմինը, Շահամիր Շահամիրյանը, Հովհաննես Լադարյանը և Հովսեփ Արդուլյանը Հայաստանի ազատագրության հարցը կապում էին միայն և միայն Ռուսաստանից ստացվելիք օգնության հետ։ Նրանք իրավացիորեն գտնում էին, որ ստեղծված պատմական իրադրության առկայության պայմաններում քաղաքական միակ ուժը, որը կարող էր իրական օգնություն ցույց տալ հայրենիքի ազատության տենչով տոգորված հայ ժողովրդին՝ Ռուսաստանն էր։

Վրաստանի և հյուսիսային Հայաստանի մի մասի միացումը Ռուսաստանին 19-րդ դարի սկզբին, առավել ևս ամրապնդեց այդ համոզմունքը, մանավանդ երբ 1804 թվականին սկսվեց ռուս-պարսկական պատերազմը, որն էլ ավելի շոշափելի դարձրեց, մարմին ու ձև հաղորդեց այդ վաղեմի հույսերին ու ակնկալություններին։

Բնական է, որ հայ ազատագրական շարժման գործիչները մեծապես շահագրգռություն ցույց տային Ռուսաստանի հզորության հարցում, ապրեին վերջինիս հույսերով, բաժանեին նրա հոգսերը։ Նրանք մեծապես համոզված էին, որ Ռուսաստանն է «հոյսն Ասիոյ», հետևաբար և Ռուսաստանն է, որ ազատություն պիտի բերի արևելյան գույզ բռնապետությունների լծի տակ հեծող Հայկական բնաշխարհին։

Երբ սկսվեց 1812 թվականի Հայրենական պատերազմը, հայ գործիչները ամենուր, լինի դա Ռուսաստանում, Ռուրբիայում կամ Հայաստանում, սկսեցին լարված հույսովով հետևել զեպքերի պարզացմանը, ուրախանալ Ռուսաստանի հաջողություններով, տխրել նրա անհաջողությունների համար։

¹ СЗ-ы ЦГИАЛ, ф. 880, оп. 1, д. 256, ևս «Собрание Актов относящихся к обозрению истории армянского народа», ч. I, М., 1833 г., стр. стр. 51, 256, 260.

Հովակիմ Հազարյանը հետևյալ բառերով էր նկարագրում նփրեմ կաթողիկոսին հղած իր նամակում Մոսկվայի ավերումը. «Ահա՛ն Մոսկով քաղաքի ավերմանն ոչ բովանդակե աստէն լիովին պատմութիւն՝ ասեմ միայն՝ որ բովանդակ զեղեցկաշէն և երեւի տունք ընակչաց, նաև պալատքն թագաւորականք, վանորայք և եկեղեցիք բազումք եղէն կերակուրք հրոյ և մեր երկու եկեղեցիքն անդ ողորմութեամբ աստուծոյ մնացին անվնաս, բայց մի տունն իմացրեցեալ է և ի միտում ամենայն կարասիք տան և ինչքն իմ կողոպտեալ»²:

Իմանալով թշնամու կողմից Մոսկվայի հրդեհման և կողոպտման մասին, նփրեմ կաթողիկոսը ցավով գրում էր.

«Յիրաւի՝ ոչ կարեմ բովանդակել ընդ գրով զառաւելութիւն մեծի տրբամութեանս և ցաւոյս, զոր զգացի և զղամ տակաւին յանձին իմում յաղաղս աւերութեան հրաշակերտ մայրաքաղաքին Մոսկովու և զանապաւն նկողութեանց ընակչացն նոսա և ի շրջակայս նորին...»³:

Հետաքրքիր է նշել, որ երկրում ծավալված աշխարհապորային շարժմանը «Ժանդակեց նաև Հովակիմ Հազարյանը: Մոսկվայի մերձակայքում գտնվող իրեն պատկանող Ֆրյանովոյի մետաքսագործական ֆաբրիկայի բանվորներից նա իր սեփական միջոցներով զինեց և կազմակերպեց 68 աշխարհապորայիններ, որոնք իրենց գործունյա մասնակցությունը բերեցին 1812 թվականի Հայրենական պատերազմին»⁴:

Թշնամու ներխուժումից և Ռուսաստանում կատարած ավերածություններից հետո սկսվում է հանգանակություն՝ պատերազմից տուժածներին օգնություն ցույց տալու նպատակով: Այդ հանգանակությանը իրենց գործունյա մասնակցությունն են բերում նաև Ռուսաստանի հայկական զաղթավայրերի բնակիչները: Այսպես, օրինակ, Մոզդոկում հավաքում են ավելի քան 2500 ռուբլի դրամ, Ղզլարում՝ ավելի քան 10.000 ռուբլի⁵: Նոր-Նախիջևանի հայերը նվիրաբերեցին 25000 ռուբլի⁶: Սակայն դրամական ամենախոշոր օժանդակությունը ցուցաբերեց Աստրախանի հայկական համայնքը, որը «ներկա պայմաններում աչքի ընկավ առավել քան սպասելի էր և իր կողմից նվիրաբերելով մինչև 73 հազար ռուբլի»⁷: Այդ գործում մեծ դեր էր խաղացել Աստրախանի հայտնի մեծահարուստ հայ վաճառականներից Գրիգոր Աբեսալովը որպես տեղի հայկական Ռատհաուզի երեք դատավորներից մեկը, անձնապես օրինակ ծառայելով մյուսների համար և այդպիսով օժանդակելով նման կարևոր դրամական նվիրվածությունները⁸:

Եթե թշնամու առաջխաղացումն ու կատարած ավերածությունները ցավ էին պատճառում հայերին, ապա նրան հանջը ընդհանուր խանդավառություն առաջադրեց վերջիններիս մոտ: Գործող բանակում գտնվող, հայ ժողովրդի պատմության մեջ հայտնի Հովակիմ Հազարյանի որդի Հարություն (Արտեմ) Հազարյանը «հրճանքով» եղբորը՝ հաշատուրին գրում էր, որ թշնամին մեծա-

² Պատենադարան, Հազարյանների արխիվ, թղթ. 104, գ. 101, վավ. 11:

³ Նույն տեղում, թղթ. 103, գործ 5, վավերագիր 9:

⁴ ЦГИАЛ, ф. 880, оп. 4, л. № 6, л. 1:

⁵ Պատենադարան, կաթողիկոսական դիվան, թղթ. 24, վավ. 59:

⁶ ЦГВИА, ф. ВУА, 1813, л. 3465, ч. 12, л. 132:

⁷ Նույն տեղում, 35—օճ:

⁸ Նույն տեղում:

մեծ կորուստներ տալով անընդհատ նահանջում է: Հետաքրքիր է Հարություն Հաղարյանի վկայությունն այն մասին, թե ինչպիսի հսկայական չափեր էր ընդունել ժողովրդական զանգվածների սրբազան ատելությունը դեպի թշնամին, և որը նրանց ոտքի էր հանել հայրենական ոգեշունչ պատերազմի: Եղբորը ուղղված վերոհիշյալ նամակում նա գրում էր, որ պատկերացնել անգամ չի կարելի, թե որքան մեծ թափ է ընդունել ժողովրդական շարժումը, որ համարյա ամեն մի գյուղի մոտ, որոնց հանդիպում էր իր ճանապարհին թշնամուն հետապնդող ռուսական բանակը, կարելի է հանդիպել դիակների, որոնք վկայում են պարտիզանների հետ տեղի ունեցած ընդհարումների մասին⁹:

Ինչպես արդեն նշել ենք վերևում, ամենուր հայերը լարված հետաքրքրությամբ հետևում էին Ռուսաստանում ծավալված ռազմական գործողությունների զարգացման ընթացքին: Բեսարաբիայի հայերի առաջնորդ Բրիգոր արքեպիսկոպոսը 1813 թ. ապրիլի 6-ի թվակիրը կրող մի ընդարձակ նամակում, որի միայն վերջին մասն է պահպանվել, նկատելի էր մանրամասն տեղեկացնում էր հայրենական պատերազմի ողջ ընթացքը, վերջում հույս հայտնելով, որ այդ տարի պատերազմը իր ավարտին կհասնի և աշխարհին խաղաղություն կտրի¹⁰:

Պատերազմական գործողությունների ընթացքին ուշի-ուշով հետևում էին նաև Թուրքիայի հայերը: Ներսես Աշտարակեցուն հասցեագրված մի նամակում Մահմեդյան Հարություն և Մահմեդյան հաշատուր Մելիքզադյանները Զմյուռնիայից հաղորդում էին մանրամասնաբար, թե ինչպիսի շփոթություն է առաջացել Թուրքիայի ֆրանսիական շրջաններում, և որ այստեղ իմացվել է ռուսների հաջողությունների մասին, և թե ինչպես ռուսները Կոստանդնուպոլսում և Իզմիրում տոնախմբություններ են կատարել ի նշանավորումն ռուսական զենքի հաղթության¹¹: Ցավոք սրտի, այդ նամակը մանրամասն տեղեկություններ չի պարունակում Թուրքիայի հայերի վերաբերմունքի մասին դեպի 1812 թ. հայրենական պատերազմը: Սակայն նամակի առկայությունը և այն հանգամանքը, որ այն ուղղված է Ներսես Աշտարակեցուն, տվյալ ժամանակի ռուսական օրիենտացիայի համոզված կուսակիցներից մեկին, արդեն իսկ խոսում է այն մասին, որ Թուրքիայի հայերը ևս ողջունում էին ռուսների հաղթանակը:

Այդ նույն տարիներին է վերաբերում թերևս Ներսես Աշտարակեցուն ուղղված մի ծածկագիր նամակ, որտեղ հայտնվում է հետևյալը. «Նոր լուր այս է. Պոնապարթն ԲՃԻ (200000) զորքով անցկացաւ գնաց իւր հողն»: Այնուհետև անհայտ նամակագիրը խորհուրդ է տալիս հավատալ միայն իր հաղորդած տեղեկությանը, գրելով թե «եթե այլք ինչ ասեին, գրեն կամ ասեն ունայն է...»¹²:

Մեր կարծիքով այս նամակն էլ մի վկայություն է, որ էջմիածնում անհամբերությամբ հետևում էին դեպքերի զարգացմանը, որ այնտեղ մեծ էր շահագրգռությունը դեպի Ռուսաստանի հաղթանակը: Այստեղ չպետք է մոռանալ, որ Պարսկաստանում գործող Նապոլեոնի գործակալները ամեն կերպ հրահրում էին Պարսկաստանին՝ ծավալելու ռազմական գործողություններն ընդդեմ Ռուսաստանի և, չնայած ռուսական կողմի թափած ջանքերին՝ շուտափույթ հաշտություն կնքելու, որպիսի լիազորություններով և Անդրկովկաս էր ուղարկվել

⁹ Մատենադարան, Հաղարյանների արխիվ, թղթ. 102, գործ. 17, վավ. 43:

¹⁰ Մատենադարան, կաթողիկոսական դիվան, թղթ. 24, վավ. 22:

¹¹ Նույն տեղում, թղթ. 24, վավ. 18:

¹² Նույն տեղում, թղթ. 24, վավ. 193:

Վրաստանի նոր կուսակալ Ռուիշչևը, պատերազմական գործողությունները շարունակվում էին: Այդ կապակցությամբ Անդրկովկասում կարող էին զանազան ստահոդ տեղեկություններ տարածում գտնել, որոնցից և հավանաբար, զգուշացնում էր ծածկագիր նամակի անհայտ հեղինակը, այդ բոլորը համարելով «ունայն» և ճիշտ միայն իր հաղորդած տեղեկությունը:

1813 թվականի հունիսի 6-ին Ներսես Աշտարակեցուն հաղորդելով, որ «ենարալ Ղուտուսով հմտագոյն շէֆն մեռեալ է ի մահճի իւրում», Սերովբե Կարենցին միաժամանակ գոհունակությամբ նշում էր, որ ռուսների նպատակն է «կործանել զբռնակալութիւն Փօնարարթէին»¹³:

Մեծ էր ժամանակի հայ գործիչների նվիրվածությունը ղեպի Ռուսաստանը. սրտին մոտ նրա մղած պայքարը, ուստի նրանք 1812 թվականի պատերազմը համարում էին հայրենական նաև ռուսահայերի համար: 1813 թվականի հոկտեմբերի 4(17)-ին Լայպցիգի ճակատամարտում ընկավ լեյթ-գվարդիայի հուսարական գնդի շտաբս-ռուսմիստը Հարություն Լազարյանը: Այդ կապակցությամբ 1814 թվականի մայիսի 27-ին Աստրախանից Հովակիմ Լազարյանին գրած իր մխիթարական նամակում ռուսահայերի առաջնորդ Հովհաննես Գառնակերյանը նշում էր. «...քաղցր և վայելուչ է վասն հայրենեաց մեռանի»: Նրա համոզմունքով Հարություն Լազարյանի մահը «...յարացոյց ի գովեստ լինի առեալ յԱրամեանս գրոհի՝ և ի քաջությամբ սեպուհացելոյ ազգին ռուստաց»¹⁴: Նա Հարություն Լազարյանի մահը դիտում էր որպես մահ «...ի ջատագովութիւն հայրենեաց, որ հեղմամբ արեան իւրոյ կարեէր խոցուածոց հասարակութեան սպեաց սպեղանի կազմեալ, զյորգահոս արեան նոցա արգել զրդխումն»¹⁵:

Այդ նույն առիթով ներքեմ կաթողիկոսը հետևյալն էր գրում Հովակիմ Լազարյանին. «...Լուսահոգի հանգուցեալն երջանիկ իմն մահուամբ հանդիսացեալ կատարեցաւ պատերազմելով ընդդէմ ամենայանդուզն թշնամոյն մեծ կայսերութեան ամենայն ռուսաց, և ցանկալի խաղաղութեան աշխարհի...»¹⁶:

Կարծիքը մեկ էր, գնահատականը մեկ: Ռուսաստանի համար պայքարելը, հանուն Ռուսաստանի կյանքը նվիրաբերելը նրանք դիտում էին որպես հայրենասիրական պարտք: Ռուսաստանի հանդեպ նման նվիրվածությունը, որ ցուցաբերում էին ժամանակի աչքի ընկնող հայ գործիչները, խոսում է այն մասին, որ նրանք կողմնորոշվելով ղեպի Ռուսաստան՝ իրենց ժողովրդի և իրենց հայրենի երկրի պատմական ճակատագիրը վերջնականապես կապել էին Ռուսաստանի, ռուս ժողովրդի հետ, Ռուսաստանի հաջողությունների մեջ էին նրանք տեսնում վաղեմի տենչանքների իրագործման միակ իրական միջոցը: Պահպանվել և մեղ են հասել բազմաթիվ վավերագրեր, որոնք վկայում են այդ պարագան: Դարասկզբին Վրաստանի միացումը Ռուսաստանին, իսկ այնուհետև ռուս-պարսկական երկարամյա պատերազմը, որի ընթացքում ռուսական զորքերը քանիցս ևզան Երևանի մասուլյցներում, խոսում էր հօգուտ այն բանի, որ մոտալուտ է այն օրը, երբ հնամենի իղձերը մարմին և արյուն կրստանան: Զուր չէր, որ Ներսես Աշտարակեցին Ռուսաստանը համարում էր «հոյսն Ասիոյ»:

¹³ Մատենադարան, կաթողիկոսական դիվան, թղթ. 24, վավ. 46:

¹⁴ Նույն տեղում, վավ. 172:

¹⁵ Նույն տեղում, Լազարյանների արխիվ, թղթ. 109, գ. 9, վ. 173:

¹⁶ Նույն տեղում, թղթ. 103, գործ 5, վավ. 94:

Հայ զործիչները ղեպերի թարմ ազդեցության տակ, ճիշտ ընդունում և ղեկավարական տվեցին այն ազատարար միսիային, որ կոչված էր կատարելու ռուսական բանակը նվրոպայում: Փաստ է, որ ռուսական զորքերի հաղթական մուտքը նվրոպա և երթը Փարիզ, ազդանշան հանդիսացավ ազդային-ազատագրական շարժումների: Դարերից ի վեր կազմակերպված և ինքնուրույն պետականություն ունեցող ժողովուրդները, որոնք մի պահ ընկրկելով բոնակալի առաջ, ստիպված էին եղել իրենց վրա վերցնելու ստրկության ծանր լուծը, ռուսական բանակի տարած հաղթանակների հետևանքներով դոտեպնդվեցին միահամուռ ոտքի ելան հանուն իրենց ազատագրության: Այլ բան է, որ ռեակցիան ավելի ուժեղ հանդիսացավ և ցանկալի արդյունքները չստացվեցին:

Ռուսական զորքերի հաղթարշավը ընդհանուր ցնծություն և բերկրանք առաջացրեց հայկական շրջաններում:

Հովակիմ Լազարյանը հետևյալ խոսքերով էր նկարագրում ռուսների հակահարձակման անցնելը և թշնամու նահանջը. «...զօրքն մեր յաղթանակութեամբ վանեն զթշնամին ի սահմանաց տերութեանս, անհնարին թիւ դերեաց, հրացանից և դոշակաց անկելոց ի ձեռս զօրաց մերոց վկայեն որ թշնամին ի մեծ տաղնապի և ի նեղութեան փախչի ի սահմանցս: ... սպասեմք յաջողութեամբ աւարտման պատերազմիս»¹⁷:

Այդ կապակցությամբ Թիֆլիսից տեղի առաջնորդ Աստվածատուրը գրում էր Հովակիմ Լազարյանին. «Գոհութիւն Աստուծոյ, որ այն ամենայն մարիկք անցին և արեգակն աստուածային առատ ողորմութեան ճառագայթեաց ընդ լայնածաւալ տէրութիւն ռուսաց, բարձրացաւ փառք և պատիւ դոյնոյ հայրենեաց. և ջերմեռանդական յոյս և ապաւինութիւն ամենաբարեպաշտ կայսերն մերոյ ղեր քան զոհ ընդունելի հաճոյացեալ յաշս երկնաւոր կայսեր ի բաց վանեաց զթշնամին և փշրեաց զհամայն զօրութիւնս, որովք պանծայր ի մէջ բոլոր ներուպայու»¹⁸:

Ռուսական զորքերի կողմից Փարիզի գրավումից անմիջապէս հետո, 1814 թ. հունիսի 25-ին, Հակոբ Շահան Զրպետյանը Հովակիմ Լազարյանին գրած նամակում, իր ուրախությունը հայտնելով, որ «...յետ տարուբերելոյ ի չափազանցն ալեւանջութեանց իրաց աշխարհիս՝ ժամանելով ի կէտն պայմանադրեալ՝ ի նաւահանդիսոն խաղաղութեան մտաց և զինուոյ դադարման, շնորհիւ տեսուն և բոլոն զօրութեամբ մեծայաղթ կայսեր Աղէքսանդրի և նորին նիպակակից տերութեանց», համարում էր «տենչալի իմն» «ուրախակցել ընդ ձեզ և ընդ անցնիր բարեկամս խաղաղասէր, զոհանալով միանգամայն զբարձրելոյն՝ վասն ազատութեան ձերոյն, ի նախկին հարուածոյն՝ որ ի մէնջ, և վասն մերոյն՝ որ յերկրորդուն առ ի ձէնջ»¹⁹:

Իսկ հայ մեծ յուսավորիչ և աշատուր Արուլյանը «Վերք Հայաստանի» էջերում, խոսելով ընդհանուր ցնծության ու խանդավառության մասին, որ առաջացրել էր հայ ժողովրդի մէջ նրեանի ազատագրումը պարսկական լծից, այն համեմատում էր ռուսների կողմից Փարիզը գրավելու հետ. «Մեծ էր հիւսիսի ու անմոռանալի ռուսաց Փարեժ մտնելը, բայց ե՞րբ դադդիացիք էն հոգվովը

¹⁷ Մատենադարան, Հազարյանների արխիվ, թղթ. 104, վավ. 10:

¹⁸ Նույն տեղում, թղթ. 103, գործ 9, վավ. 143:

¹⁹ Մատենադարան, Իրիցյանի արխիվ, թղթ. 159, վավ. 210:

իրանց բախտավորությունը կվայելեին, ինչպես հայք էս արժանահիշատակ օրը»²⁰:

Ժամանակի հայ գործիչները Ռուսաստանը համարում էին որպես «փրկիչ նվիրույթի և հոյսն Ասիոյ» (Ներսես Աշտարակեցի): Այժմ, երբ Ռուսաստանը ծանր ու ավերիչ պատերազմից հաղթական էր դուրս եկել, նրանք սպասում էին, որպեսզի նա փրկություն բերի նույնպես և օտար ծանր լծի տակ տառապող իրենց հայրենի աշխարհին: Այդ պարագայի լավագույն հաստատումն մենք գտնում ենք Նփրեմ կաթողիկոսի կողմից 1814 թվականի հուլիսի 20-ին Ալեքսանդր 1-ին ուղարկված շնորհավորական գրության մեջ, որի սևագիրը մեկ օրինակը պահպանվել է Մատենադարանի կաթողիկոսական դիվանում:

Գրելով, որ «ապաքին և մեք տէր թագաւոր մեր վերամատուցանեմք Աստուծոյ զփառս, որ փառաւորեց զմեծութիւն հակասոցն ձերոց առաւել քան զամենայն զգօրութիւնս աշխարհին այսօրիկ», նա ի սրտե լիսած մեծագույն ուղումով բացականչում էր. «Ո՛վ, թէ որպիսի երջանկութիւն էր մեզ՝ եթե ոչ էաք յանդիման դրախտին արտաքոյ, և ոչ արգելոյր զընթացս մեր լառ ծառղ կենաց սուրն բոցեղեն»: Մեծ էր վիշտը ծերունի Նփրեմ կաթողիկոսի, որ Հայաստանը բաժանված է Ռուսաստանից «բոցեղեն սրով», որն արգելք էր հանդիսանում հայերի համար ընթանալու դեպի ցանկալի կետ նպատակը, այսինքն՝ միություն Ռուսաստանի հետ: Տարաբախտություն համարելով դա իր և իր լավամաշարար ժողովրդի համար, նա հեռվից հեռու «ի ծունկս անկեալ հանդերձ ողջոյն ազգաւ հայոց ... Տարածանեմք առաջի բարձր և խոնարհ աստուածանման ձերում տէրութեան զջերմեռանդութիւն և զանհամեմատ ուրախութիւն յոգւոց մերոց»²¹:

Մեծ էր հայ գործիչների հավատը դեպի Ռուսաստանը, նրանց մեջ մեծագույն խանդավառություն էր առաջացրել ռուս ժողովրդի տարած սպառնական փայլուն հաղթանակը անագորույն թշնամու դեմ: Դա մի հաղթանակ էր, որ երկար ժամանակով անխոցելի և ապահով էր դարձնում թշնամական հարձակումներից Ռուսաստանի արևմտյան սահմանները: Դա մի հաղթանակ էր, որ հնարավորություն էր ընձեռում ռուսական կառավարությանը վերադառնալու Անդրկովկասում իր նվաճողական վաղեմի ծրագրերի լիակատար իրագործմանը, մի հանգամանք, որ օբյեկտիվորեն համընկնում էր հայ ժողովրդի ազատագրական ձգտումներին:

Իվ Խսկապես: Շատ շուտով Ռուսաստանը ընդհուպ ձեռնամուխ եղավ Անդրկովկասի լիակատար միացմանը: 1828 թվականին Արևելյան Հայաստանի միացումը Ռուսաստանին, անշուշտ, քաղաքական և պատմական մեծ նշանակություն ունեցող մի ակտ էր, որով հայության մի խոշոր հատվածի համար ստեղծվում էին վարդաքան համեմատաբար բարենպաստ հեռանկարներ: Այս անգամ ընկնելով ցարիզմի զաղութային լծի տակ, հայ ժողովուրդը, այնուամենայնիվ, ազատագրվեց ֆիզիկական ոչնչացման մշտական սպառնալիքից, որ դամոկլյան սրի պես մինչև այդ կախված էր հայ ժողովրդի գլխին:

Հայ գործիչները լավ էին հասկանում, որ նապոլեոնյան հորդանների դեմ տարած հաղթանակը դուռ էր բաց անում Հայաստանի ազատագրության համար, որ անմիջական և այս անգամ հաստատուն նախադրյալներ էին ստեղծ-

20 Խ. Արուստյան, Երկերի լիակատար ժողովածու, հատ. 3, Երևան, 1948, էջ 179:

21 Մատենադարան, կաթողիկոսական դիվան, թղթ. 25, վավ. 39:

վում կյանքի կոչելու Հայաստանի ազատագրության հինավուրց երազները: Այս իսկ տեսակետից պատահական չէր այն բավական թափանցիկ ակնարկը, որ անում էր Եփրեմ կաթողիկոսը Ալեքսանդր 1-ին զրաժ վերոհիշյալ շնորհավորական գրության մեջ: Եփրեմ կաթողիկոսի համար եթե Ալեքսանդր 1-ը «յայտնեալ փրկիչն» էր «Եւրոպիոյ», «խաղաղարարը համայն աշխարհի», ապա էր նաև «չոյս և ակնկալութիւն մեր», այսինքն, Եփրեմի իսկ արտահայտութեամբ «ժառանգաւորաց» և «ձերում (ուսաների — Վ. Ն.) ամենողորմած այցելութեան կարօտեալ տանն Նոյի՝ հօրն աշխարհի՝ հայրենեաց Հայաստանի...»²²: Պարզ է, որ Եփրեմ կաթողիկոսի կարծիքով հասկ էր ի վաղուց հետէ այնքան ցանկալի ժամանակը, երբ հարկ էր, որ Ռուսաստանը վերջնականապես օգնութեան ձեռք մեկնէր իր բազմաշարժար հայրենիքին, որը «բոցեղեն սրով» բաժանված էր Ռուսաստանից:

Ռուսական կառավարող շրջանները, անշուշտ, դիտեին, թե ինչպիսի մեծ հավատարմություն են տաժում հայերը հանդեպ Ռուսաստանի և ինչպիսի քույրական հեռուն դնացող ակնկալություններ ունեն նրանից: Այս իմաստով սլատահական չէր, որ Վրաստանի կուսակալ, Ռուիշկեր և Թիֆլիսի գեներալ-նահանգապետ Մալինսկին իրենց պարտքն էին համարում ամենայն հայոց կաթողիկոսին տեղյակ պահել և մասնակից դարձնել Ռուսաստանի տարած պատմական փայլուն հաղթանակին իր ամենահզոր թշնամիներից մեկի դեմ, դուռնելով, որ զրանով նրան «կպատճառեն հաճելի բավականություն»²³:

1812 թվականի Հայրենական պատերազմը մի նոր փորձաքար հանդիսացավ հայ և ռուս ժողովուրդների դարավոր բարեկամության: Այն ժամանակ, երբ շատ հայեր կողք-կողքի, թե-թեի մարտնչում էին ընդհանուր թշնամու դեմ, հայ գործիչները իրենց նվիրվածության երաշխիքն էին բերում Ռուսաստանին՝ ցանկանալով նրան շուտափույթ հաղթանակ:

Թշնամու դեմ տարած սուղթանուկի առթիվ Պետերբուրգում մեծ տոնակատարություն կազմակերպվեց, որին մասնակցում էին նաև հայ հասարակության ներկայացուցիչները: Այդ կապակցությամբ Եփրեմ կաթողիկոսը պարզևատուրվեց Ալեքսանդր Նեսկու շքանշանով, իսկ ռուսահայերի առաջնորդ Հովհաննես Դաոնակերյանը Աննայի առաջին աստիճանի շքանշան ստացավ:

1812 թվականի Հայրենական պատերազմից հետո դեպքերն Անդրկովկասում սկսեցին արագ հասունանալ: Մոտալուտ էր արդեն այն օրը, երբ պետք է կատարվեր ցանկալի «այցելություն» և Ալեքսանդր 1-ի Հայաստանը ազատագրվելով պարսկական լծից, ընդմիջու կապեր իր պատմական ճակատագիրը ունի ժողովրդի հետ:

1812 թվականի Հայրենական պատերազմը պատմական խոշորագույն ապացույցներից մեկն է այն սերտ բարեկամության, որ մշտնջենապես միմյանց կապեց ռուս և հայ ժողովուրդներին, բարեկամություն, որ էլ ավելի կովեց և կոփվեց հետագա պատմական ժամանակաշրջանում:

1812 թվականի Հայրենական պատերազմը անջնջելի հետք թողեց ՍՍՌՄ ժողովուրդների պատմության էջերում: Դա միայն անգամը չէր, որ մեր ժողովուրդները վճռական հակահարված պետք է տային համաշխարհային սիրա-

²² Մատենադարան, կաթողիկոսական դիվան, թղթ. 25, վավ. 39:

²³ Այս մասին մանրամասն տե՛ս Մ. Նեքուսյանի, Նոր նյութեր 1812 թ. Հայրենական պատերազմի մասին, «Տեղեկագիր» ՀՊՊՖ ԳԱ, 1944, № 3—4:

սկսած միջոցով տարված բռնակալին: Այն ողորդում և աննահանջ սպա-
յարի էր մղում սովետական ժողովրդին ընդդեմ հիտլերյան վայրի հրոսակների,
որոնք սպառնալից հրահրեցին մեր հայրենիքի դեմ: Երկրորդ անգամ էր սո-
վետական ժողովուրդը ռաբի Լինում հայրենական սրբազան սպաներազմի,
սույց տալով ողջ աշխարհին անսպասելիություն մի ժողովրդի, որը պատրաստ
է արյան գնով պաշտպանելու իր հայրենիքը:

Պատմության նոր, մարդկությանը դեռևս անծանոթ արահետներով ըն-
թանում է սովետական ժողովուրդը, դուրս գալու կոմունիզմի մայրուղին: Բայց
ուր էլ լինի նա, դեպի ինչպիսի շողջողուն բարձունքներն էլ դնալիս, միշտ սիրով
և խնամքով պահում է իր հոգու ոսկեմատյանում անցյալի բոցավառ հիշա-
տակները, որոնք հայրենասիրության փայլուն օրինակ ծառայելով նրա համար,
միաժամանակ ահարկու նախազգացումն են դալիք բոլոր ազգերներին: